

Ñan an driwaj ilo ien eo emokaj tata

Jānwōde 15, 2026

ENAAAN IN BOK AIDIK RAÑÑŌŁOK ILO SNOHOMISH COUNTY ELIKIN 3 KEEJ KĀĀL
Enaan in Bok Aidik RaññŌłok ilo Snohomish County Elikin 3 Keej Kāāl
Nañinmej ko rej epāake South Carolina raññŌłok eo ej wonṃaanlok wōt

EVERETT – Snohomish County Health Department (Rā eo an Ājmour ilo Bukwōn in Snohomish) emōj an kalikkar jilu keej in bok aidik kāāl wiik in ilo ajri in jukjukin pād eo im rekar epāake juon baamle in South Carolina im eaar pād nañinmej eo ippeir. Keej kein jilu rekāāl rej joñan wōt juon raññŌłok – juon kakōlle ke nañinmej eo ej kio ajedeed ilo jukjukin pād. Ajri ro rekar teej positive ñan baerōj eo ej kōmman bwe en wōr bok aidik ilo Wōnje, Jānwōde 14. Rekar eñjake piba, pokpok im lennab ippān bok aidik. Ajri ro rekar jab wā ñan bobrae jen bok aidik.

"Jej kōtmane an lapłok keej in bok aidik aīnwot juon ajāllik in epāake nañinmej eo mōkta lak ekoba raññŌłok in keej kein rekāāl," Snomohish County Ājmour Opija **Dr. James Lewis** eaar ba. "Jej kejatdikdik in kabojrak e, ak jerata bwe eloñ nōmba in jikin ko nañinmej eo eaar pād ie im emaroñ wōr eloñlok keej ilo jukjukin pād eo jejañin jellā kake." Dr. Lewis eaar kōñōñō ippān Washington State Department of Health (Rā eo an Ājmour) mōkta jen an kowałok raññŌłok eo. Juon raññŌłok ej ñe jilu ak eloñlok armej ilo juon wōt jukjukin pād rej bōk bok aidik im emōj an ajedeed jen juon armej ñan bar juon.

Eloñ armej ilo jukjukin pād eo ad rej bobrae jen bok aidik ilo an dedelok aer bōk wā, im kauwōtata eo ñan lobwilej edik. Lale jekjek eo am ñan measles, mumps, and rubella (MMR, bok aidik, mump, im rubella) wā. Ej juon wā in bobrae eo elap an eman an jermal im ej maroñ jermal ñan aolepen mour eo an juon armej im 97% kōjbarok. Elañe kwojjab bobrae jen bok aidik, ak kwojjab jellā jekjek in wā eo am, jouj im wā ien eo kwomaroñ im lale laajrak in ilal ñan jikin iien ko kwomaroñ kar epāake nañinmej eo.

Wiik eo lak, Snohomish County Health Department im Public Health – Seattle & King County (Ājmour eo an Lobwilej – Seattle & King County) [rekar kōjjelā](#) ke jilu uwaan juon South Carolina baamle – juon rūtto im ruo ajri – rekar nañinmej ilo ien eo rekar pād ilo King im Snohomish buk wōn ko jen Tijjemba 27, 2025, lak ñan Jānwōde 1, 2026. Baamle eo ekar loelak eloñ jikin ilo Everett, Marysville im Mukilteo ilo aer nañinmej wōt – ak mōkta jen an taktō kwalok ke rej nañinmej – in bok aidik. Rekar bar itotak ilo Seattle-Tacoma Airport im etal ñan juon jikin reen wa turin airport.

RaññŌłok in bok aidik eo elaptata ilo U.S. ej pād ilo South Carolina, ijo [434 keej in bok aidik](#) emōj an ripoot jen Oktoba, ekkar ñan South Carolina Department of Public Health Department (Rā eo an Ājmour an Lobwilej ilo South Carolina). "Jej inepata kake ājmour im kōjbarok eo an Snohomish County ajri ro nejid," **Tureektōr eo an Rā eo Ājmour Kim Van Pelt** eaar ba. "Bok aidik ej juon nañinmej eo elap im ekkā an boktok kakōlkōl ko rejjab eman, im ilo jōt keej ebboj ilo kōmalim im maroñ bar mej."

Ñan uwaak ko ñan kajjitōk ko rekkā kajjitōk kake bok aidik, ekoba waween kōjbarok baamle eo am ñe kwoj itotak, etal ñan [bok aidik peij](#) ilo Snohomish County Health Department webjait.

Jikin ko remaroñ wałok nañinmej eo ñan lobwilej

Ajedeed in bok aidik emaroñ walok mōkta jen an armej jellā ke ewōr a er nañinmej eo im mōkta jen an wōr lennab. Ajri ro renañinmej rekar pād ilo laajrak in jikin kien rebellok ñan lobwilej mōkta jen an taktō kwalok ke ewōr aer nañinmej in bok aidik. Iien kein ekoba joñan iien eo ej kōtmane ñe uwaan baamle rekar pād ilo jikin eo im ruo awa tokelik. Bok aidik baerōj emaroñ pād wōt ilo mejatoto lak ñan ruo awa elikin an juon armej eo enañinmej in bok aidik ej emakūt jen jikin eo. Jabdewōt eo eaar pād ilo laajrak in jikin kein im awa kein remaroñ kar epāake nañinmej in bok aidik:

- **Jānwōde. 9, 2026, 8:30 AM ñan 5:15 PM** -- Pathfinder Kindergarten Center (Mukilteo School District), 11401 Beverly Park Rd, Everett, WA, 98204
- **Jānwōde. 9, 2026, 8:30 AM ñan 5:15 PM** – Serene Lake Elementary School (Mukilteo School District), 4709 Picnic Point Road, Everett, WA, 98026



- **Jānwōde. 13**, 2026, 1:10 PM ñan 3:10 PM, Swedish Mill Creek Campus medical facility, 13020 Meridian Ave. S., Everett, WA, 98208

Ñan jikin ko emaroñ kar pād nañinmej eo jen ien eo juon baamle eo enañinmej eaar itotak ilo King im Snohomish bukwōn ko, lale Jānwōde. 8 [kōjjelā in](#).

Ta eo ñan kōmmāne elañe kwar pād ilo juon jikin eo emaroñ kar wōr nañinmej in bok aidik ie

- Lale ñe emōj am kar wā ñan bobrae jen bok aidik ak ñe kwar bōk nañinmej in bok aidik mōkta lak. Lale bwe en jimwe ekkar ñan raan ippān nōmba eo ej rojāñ ñan MMR wā ko.
- Kūrlok juon jikin ājmour ilo ien eo emokaj tata elañe enij jinoe wōr am nañinmej ippāñ piba ak ilo an wōr am lennab ilo ejelok meļeļein. Bwe en jab ajeeded bok aidik ñan armej ro jōt, jab etal ñan juon jikin taktō ak aujpitōl ilo am jab kall lak mōkta ñan kwalok ke kwokonon jāāk ñe ewōr am nañinmej in bok aidik elikin am kar epāāke juon rinañinmej. Ebar aōrok ñan kōmman joñan am epāāke ro jōt, elaptata ro rejañin bōk wā in bobrae.

Kake bok aidik

Bok aidik ej juon nañinmej eo elap an kapopo im kajoor im ej kōmman bwe en wōr piba, lennab, pokpok, uwir boti im būroro, ak dāndān mej. Elañe juon armej ej bōk e, lak ñan 9 jen 10 armej turin renij nañinmej elañe rejjab bobrae. Ekkā an ajedeed ilo mejatoto elikin an juon armej eo ej bok aidik pokpok ak maje.

Joñan iien am maroñ bōk nañinmej in bok aidik ej 10 ñan 14 raan jen iien eo kwar epāāke ñan an jinoe waļok kakōļe, ej pād ilo kōtaan 7 ñan 21 raan. Ñan armej ro rekar epāāke nañinmej eo ilo jikuul ko, enij lak ñan Jānwōde 30. Ñan ro rekar pād ilo Swedish Mill Creek, enij lak ñan Papwōde 3. Bok aidik ej kapopo jen 4 ñan 5 raan mōkta jen an lennab eo waļok ñan 4 raan elikin an lennab eo walok. Armej remaroñ kajeeded bok aidik mōkta jen an wōr aer lennab ej walok jen bok aidik.

Bok aidik emaroñ tōl ñan nañinmej ko ilo lojilñi, iļok loje, nañinmej in pneumonia, im ejeja an walok, nañinmej in encephalitis (bōbōj kōmalij) ak mej.

Aepokpok ko rej walok jen bok aidik remaroñ bar walok ilo armej ro eman ājmour ko aer, ak ro rej pād ilo elap kauwōtata ekoba niñniñ im ajri ro iuṃwin 5 yiiō dettan, rūtto ro loñin 20 yiiō, ribōrōro ro, im armej ro emojno enbwinnier jen wūno ak nañinmej.

Elañe kwoj pād ilo juon iaan lajtrak in kauwōtata kein im kwar epāāke nañinmej in bok aidik ilo juon iaan jikin kein, lale bwe kwon tōpar jikin ājmour eo am ñan konnaan kake jabdewōt buñtōn ko kwomaroñ bōk ñan kōjbarok eok māke ak ro kwoj iakwe er jen aepokpok ko jen bok aidik.

Ñan elaplok meļeļe kake bok aidik im wā in bok aidik: snohd.org/measles

Kōkkeitaak:

Jeff Hodson, shd.pio@co.snohomish.wa.us